

200 Joor gmainsami Gliigsmomänt

Jedes Joor dyen mir ys quäle
Was selle mr fir e Sujet wääle?
E zarts, e schrills, und zwische yyne
Mit fräche Wort oder mit fyne?
Drumm mache mir, das isch no witzig,
e Gwäggi-Sujet-Lyschtesitzig!

Am erschte Oobe isch's e so
Es sinn no alli Gwäggi ko.
Und s isch klar dass Stimmig kocht,
e jede het syy Sujet brocht.
Siebe Stigg und ains vom Edi
Jesses, isch das e Komedi!

Am Barfi d Delifonkabyne,
bim Zug kämsch nie zer Diire yne.
Wall of Pop im Gärbergässli,
d BVB mit ihte Gspässli,
Und no e Sujetsysy prima,
d Schuelschwänz-Gretamit em Klima,
100 Joor dr Zirkus Knie,
dye griene Fraue sin drby
und s letschte Sujet isch no logger,
dye rooti Karte fir dr Stocker.

Jetzt fön mir a vo z diskudiere,
e Stund lang simmer am studiere,
do rief dr Pascale Eigemaa
„Ich glaub ich muess e Pause haa.
S Hinter schlooft y vo däre Hoggi
Het ain von eych e Rippli Schoggi“?

Mir hänn den alli aine gno,
und denne, denn kas wytter go.
Finf Sujet hämmer sofort gschtriche,
sy hän vyl z fescht e-nder giche.
Und denn ebbe nach zwai Stund
steene drey Brieder: „Mir sin wund“!
Dr Alain rief e bitz in Wuet:
„E Dafele Schoggi wär jetz guet“!

Dr Michel maint: „Mir mache Schluss,
ich glaub, dr Puf isch duss.
S isch klar, dass ich eych nimm vertrag.,
mir träffe is in vierzää Daag.“
Und jetz kunnt dye ganzi Draagig
vo dääre stundelange Daagig,
sy syge, ich has gheert von alle
total erschepft in d Fäädere gfall.

Zwai Monet hämmer laboriert,
hän numme no an dämme gschtudiert.
Doch ebbis, das isch s Guete dra,
s het immer neume Schoggi ka.
So sin mir Gwäggi s isch e so,
alli iff unsri Rächnig ko.

No vierzig Sitzige sin mir groggi,

Doch s Sujet stoot:

200 Joor gits Cailler-Schoggi!

*D' Ladäärneusstellig isch vom Fasnachtsmändig z nacht, em
02. Merz bis am Fasnachtsmittwuch demorge, em 04. Merz
uff em Minschterplatz. Me kaa dert au die ganz Buschle
Zeedel, dr Rädäbäng und d'Blaggedde kaufe. Uff em
Kasäärneareal sin zer glyche Zyt d'Requisite und d'Wääge z
bschauen. Mir fraie ys uff iire Bsuech.*
